

დამტკიცებულია
საქართველოს მთავრობის
2020 წლის 16 მარტის
№ 150 დადგენილებით

დანართი №1

საქართველოში სარეალიზაციოდ განკუთვნილი ფილტრიანი და უფილტრო სიგარეტებისგან (გარდა გასახურებელი თამბაქოსი) გამოფრქვეული ნივთიერებების (ნიკოტინის, კუპრის, მხუთავი გაზის) ზღვრულად დასაშვები ნორმების, მათი გაზომვისა და რეგულირების წესებისა და საქართველოში სარეალიზაციოდ განკუთვნილი ელექტრონული სიგარეტის ან სხვა მსგავსი მოწყობილობის ნიკოტინის შემცველი მასალის/კარტრიჯის/კაფსულის/კონტეინერის მოცულობის, მასში ნიკოტინის შემცველობის ზღვრულად დასაშვები ნორმებისა და თამბაქოს ნაწარმის რეალიზაციის ადგილებში, ასევე კოლოფსა/ბლოკსა და შეფუთვაზე მისათითებელი სამედიცინო გაფრთხილებებისა და მათი დატანის წესი

მუხლი 1. ზოგადი დებულებები

ამ წესის მოქმედება ვრცელდება იმ პირებზე, რომელთა საქმიანობა დაკავშირებულია თამბაქოს ნაწარმის წარმოებასთან, რეალიზაციასთან და/ან იმპორტთან.

მუხლი 2. ტერმინთა განმარტებები

ამ წესში გამოყენებულ ტერმინებს აქვთ შემდეგი მნიშვნელობა:

ა) თამბაქოს ნაწარმი – თამბაქოს ან მისი ელემენტების შემცველი ნაწარმი (გარდა ნიკოტინის შემცველი სამკურნალწამლო საშუალებისა), რომელიც განკუთვნილია მოსაწევად, დასაღეჭად, საწუწნად ან შესასუნთქად, მათ შორის:

ა.ა) ფილტრიანი სიგარეტი, უფილტრო სიგარეტი;

ა.ბ) პაპიროსი, სიგარა, სიგარილა;

ა.გ) საჩიბუხე თამბაქო, ჩილიმისთვის განკუთვნილი თამბაქო;

ა.დ) შესახვევი თუთუნი;

ა.ე) დასაღეჭი თამბაქო, საწუწნი თამბაქო, შესასუნთქი თამბაქო;

ა.ვ) ელექტრონული სიგარეტის ან სხვა მსგავსი მოწყობილობის ნიკოტინის შემცველი მასალა/კარტრიჯი/კაფსულა;

ა.ზ) თამბაქოს ახალი ნაწარმი – თამბაქოს შემცველი პროდუქტი, რომელიც არ შედის ამ მუხლის „ა“ ქვეპუნქტით განსაზღვრული თამბაქოს ნაწარმის არცერთ სხვა კატეგორიაში;

ა.თ) თამბაქოს ნედლეული, თამბაქოს ნარჩენები;

ა.ი) გასახურებელი თამბაქო – თამბაქოს ნაწარმი (გარდა ელექტრონული სიგარეტის ან სხვა მსგავსი მოწყობილობის ნიკოტინის შემცველი მასალისა/კარტრიჯისა/კაფსულისა), რომელიც განკუთვნილია მხოლოდ გახურების გზით მოხმარებისთვის;

ბ) არმოსაწევი თამბაქო – თამბაქოს ნაწარმი, რომელიც არ არის განკუთვნილი მოსაწევად, კერძოდ, დასაღეჭი, საწუწნი ან შესასუნთქი თამბაქო;

გ) ელექტრონული სიგარეტი – პროდუქტი, რომელიც შეიძლება, გამოყენებულ იქნეს ადამიანის პირისთვის განკუთვნილი მოწყობილობით ნიკოტინის შემცველი აეროზოლის მოხმარებისთვის ან ამ პროდუქტის ნებისმიერი კომპონენტი, კარტრიჯისა და ავზის ჩათვლით, ან მოწყობილობა კარტრიჯის ან ავზის გარეშე. ელექტრონული სიგარეტი შეიძლება, იყოს ერთჯერადი გამოყენების ან მრავალჯერადი გამოყენების (კონტეინერისა და

ავზის მეშვეობით შესავსები ან ერთჯერადი მოხმარების კარტრიჯის მეშვეობით დასატენი);

დ) თამბაქოს მოწევა – თამბაქოს ნაწარმის წვის ან გახურების შედეგად გამოყოფილი პირველადი კვამლის ან ორთქლის შესუნთქვა;

ე) სამედიცინო გაფრთხილება – სამედიცინო გაფრთხილება თამბაქოს მოწევის მავნებლობის შესახებ, გამაფრთხილებელი წარწერა, რომელიც უნდა მოიცავდეს შესაბამის პიქტოგრამას;

ვ) თამბაქოს ნაწარმისგან გამოფრქვეული ნივთიერება – ნივთიერება, რომელიც გამოიყოფა თამბაქოს ნაწარმის დანიშნულებისამებრ მოხმარების შედეგად, კერძოდ, სიგარეტის ან სხვა სახის მოსაწევი თამბაქოს კვამლში შემავალი ნივთიერება, რომელიც გამოიყოფა მოსაწევი თამბაქოს მოხმარების შედეგად, აგრეთვე დასაღეჭი თამბაქოს, საწუწნი თამბაქოს, შესასუნთქი თამბაქოს მოხმარების შედეგად გამოყოფილი ნივთიერება;

ზ) ნიკოტინი – ნიკოტინის ალკალოიდები;

თ) კუპრი – თამბაქოს კვამლის ნედლი, გაუწყლოებული და ნიკოტინგამოცლილი კონდენსანტი;

ი) მხუთავი გაზი – ნახშირბადის მონოქსიდი (CO);

კ) როტაცია – სამედიცინო გაფრთხილების მონაცვლეობა;

ლ) ინგრედიენტი – ყველა ნივთიერება, რომელიც ემატება თამბაქოს, მათ შორის, ნივთიერებები, რომლებიც ემატება თამბაქოს ფოთოლსა და თამბაქოს სხვა ნატურალურ თუ გადამუშავებულ ნაწარმს, აგრეთვე არათამბაქოს მასალა, რომელიც ემატება თამბაქოს ნაწარმის წარმოებისას და წარმოდგენილია ამ ნაწარმის საბოლოო ფორმაშიც, შეცვლილი სახითაც კი;

მ) თამბაქოს ნაწარმის ინგრედიენტი – თამბაქოს ნაწარმის შემადგენლობაში არსებული თამბაქო, დანამატი, ნივთიერება ან ელემენტი, მათ შორის, ქაღალდი, ფილტრი, კაფსულა, მელანი, წებო;

ნ) **ერთეული შეფუთვა** – ნებისმიერი კონტეინერი ან კოლოფი, რომელშიც უშუალოდაა განთავსებული თამბაქოს ნაწარმი;

ო) **შეფუთვა, ნიშნავს:**

ო.ა) ნებისმიერ კოლოფს, ბლოკს, ყუთს, პაკეტს, პარკს, ქილას, ჩანთას, ტომარას, ტუბს ან სხვა კონტეინერს, რომელშიც მოთავსებულია თამბაქოს ნაწარმი;

ო.ბ) ნებისმიერი შესახვევი ან გარსი, რომელიც გამოიყენება თამბაქოს ნაწარმის გარე შეხვევისთვის;

ო.გ) ნებისმიერი მასალა, რომელიც მიკრულია ან თან აქვს თამბაქოს ნაწარმს ან „ო.ა“ და „ო.ბ“ ქვეპუნქტებში ჩამოთვლილ საგნებს;

პ) **პარკი** – შესახვევი თამბაქოს ერთეული შეფუთვა, რომელიც დამზადებულია მოქნილი მასალისაგან, არის მართკუთხა ფორმის და გახსნისთვის აქვს ხვრელი, რომელიც იღება და იკეტება მაწებარა დასაფარებელი ფარფლით;

ჟ) **გარსი** – თამბაქოს კოლოფის ან სხვა პაკეტის გარე გამჭვირვალე შეფუთვა;

რ) **გარე ზედაპირი** – ნებისმიერი ზედაპირი, რომელიც ხილულია თამბაქოს შეფუთვის გახსნამდე. პარკის ფორმის შეფუთვის შემთხვევაში, ის აგრეთვე მოიცავს პარკის ზედაპირს, რომელიც იფარება ფარფლით;

ს) **შიდა ზედაპირი** – ზედაპირი, გარდა გარე ზედაპირისა;

ტ) **სიგარეტი** – თამბაქოს ან მისი ელემენტების შემცველი ნებისმიერი სახის გრაგნილი ან მილისებრი აგებულების კონსტრუქცია, რომელიც გახვეულია ქაღალდში ან კანონით დაშვებულ სხვა მასალაში, რომელიც არ შეიცავს თამბაქოს;

უ) **ელექტრონული სიგარეტის რეზერვუარი** – რეზერვუარი, რომელიც შეიცავს ნიკოტინის შემცველ სითხეს და რომელიც შეიძლება, გამოყენებულ იქნეს ელექტრონული სიგარეტის დასატენად.

მუხლი 3. საქართველოში სარეალიზაციოდ განკუთვნილი ფილტრიანი და უფილტრო სიგარეტებისგან (გარდა გასახურებელი თამბაქოსი) გამოფრქვეული ნივთიერებების (ნიკოტინის, კუპრის, მხუთავი გაზის) ზღვრულად დასაშვები ნორმები, მათი გაზომვისა და რეგულირების წესი

1. საქართველოში სარეალიზაციოდ განკუთვნილი ფილტრიანი და უფილტრო სიგარეტებისგან (გარდა გასახურებელი თამბაქოსი) გამოფრქვეული ნივთიერებების, კერძოდ ნიკოტინის, კუპრისა და მხუთავი გაზის კონცენტრაცია უნდა იყოს არა უმეტეს:

ა) კუპრისათვის – 10 მგ-ისა ერთ ღერზე;

ბ) ნიკოტინისათვის – 1 მგ-ისა ერთ ღერზე;

გ) მხუთავი გაზისთვის – 10 მგ-ისა ერთ ღერზე (მხოლოდ ფილტრიანი სიგარეტისთვის).

2. ფილტრიანი და უფილტრო სიგარეტებისგან გამოფრქვეული ნივთიერებების, კერძოდ ნიკოტინის, კუპრისა და მხუთავი გაზის კონცენტრაცია უნდა განისაზღვროს:

ა) ნიკოტინი სსო (ISO) – 10315-ით;

ბ) კუპრი სსო (ISO) – 4387-ით;

გ) მხუთავი გაზის სსო (ISO) – 8454-ით;

დ) კუპრის, ნიკოტინისა და მხუთავი გაზის კონცენტრაციების სიზუსტე ვერიფიცირებულ უნდა იქნეს სსო (ISO) – 8243 სტანდარტით.

3. ფილტრიანი და უფილტრო სიგარეტებისგან (გარდა გასახურებელი თამბაქოსი) გამოფრქვეული ნივთიერებების (ნიკოტინის, კუპრის, მხუთავი გაზის) გაზომვა უნდა უზრუნველყოს თამბაქოს აღნიშნული ნაწარმის მწარმოებელმა ან/და იმპორტიორმა საკუთარი ხარჯებით. თამბაქოს აღნიშნული ნაწარმის მწარმოებელმა ან/და იმპორტიორმა უნდა დაადასტუროს გაზომვის სტანდარტების შესაბამისად ჩატარება და

ფილტრიანი და უფილტრო სიგარეტების საქართველოს ბაზარზე განთავსებამდე არა უგვიანეს 3 თვისა სამინისტროს უნდა წარუდგინოს ფილტრიანი და უფილტრო სიგარეტებისგან გამოფრქვეული ნივთიერებების გაზომვის სტანდარტების შესაბამისად ჩატარების დამადასტურებელი დოკუმენტები. ამ დოკუმენტების ჩამონათვალი განისაზღვრება საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანებით. თამბაქოს ნაწარმის მწარმოებელი ან/და იმპორტიორი უზრუნველყოფს თამბაქოს აღნიშნული ნაწარმის დოკუმენტებში მითითებულ მონაცემებთან შესაბამისობას. ფილტრიანი და უფილტრო სიგარეტების მწარმოებელი ან/და იმპორტიორი ვალდებულია, აღნიშნული განახლებული დოკუმენტები ხელახლა წარადგინოს ფილტრიანი და უფილტრო სიგარეტებისგან გამოფრქვეული ნივთიერებების რაოდენობის ან მათი სხვა პარამეტრის ცვლილების შემთხვევაში. ასეთი ცვლილების შემთხვევაში, განახლებული დოკუმენტების წარდგენა ხდება ფილტრიანი და უფილტრო სიგარეტების საქართველოს ბაზარზე განთავსებამდე არა უგვიანეს 3 თვისა. ამასთანავე, თამბაქოს ნაწარმის მწარმოებელმა ან/და იმპორტიორმა სამინისტროს თამბაქოს ნაწარმის (გარდა თამბაქოს ახალი ნაწარმისა და გასახურებელი თამბაქოსი) საქართველოს ბაზარზე განთავსებამდე არა უგვიანეს 3 თვისა უნდა წარუდგინოს ინფორმაცია თამბაქოს ნაწარმის ინგრედიენტების (კერძოდ, ინგრედიენტების ჩამონათვალის, რაოდენობისა და წონის) თაობაზე. თამბაქოს ნაწარმის მწარმოებელი ან/და იმპორტიორი ვალდებულია, აღნიშნული, განახლებული ინფორმაცია ხელახლა წარადგინოს ინგრედიენტების რაოდენობის ან სხვა პარამეტრის ცვლილების შემთხვევაში. ასეთი ცვლილების შემთხვევაში განახლებული ინფორმაციის წარდგენა ხდება თამბაქოს ნაწარმის საქართველოს ბაზარზე განთავსებამდე არა უგვიანეს 3 თვისა.

მუხლი 4. საქართველოში სარეალიზაციოდ განკუთვნილი ელექტრონული სიგარეტის ან სხვა მსგავსი მოწყობილობის ნიკოტინის შემცველი მასალის/კარტრიჯის/კაფსულის/კონტეინერის მოცულობა, მასში ნიკოტინის შემცველობის ზღვრულად დასაშვები ნორმები

1. საქართველოში სარეალიზაციოდ განკუთვნილი ელექტრონული სიგარეტის ან სხვა მსგავსი მოწყობილობის ნიკოტინის შემცველი სითხე საქართველოს ბაზარზე უნდა განთავსდეს მხოლოდ მისთვის განკუთვნილ რეზერვუარებში, რომელთა მოცულობაც არ აღემატება 10 მლ-ს მრავალჯერადი გამოყენების ან/და შესავსები რეზერვუარის შემთხვევაში, ხოლო ერთჯერადი ელექტრონული სიგარეტების ან ერთჯერადი გამოყენების კატრიჯების შემთხვევაში, კატრიჯების ან კაფსულების მოცულობა არ უნდა აღემატებოდეს 2 მლ-ს.

2. ნიკოტინის შემცველი სითხე არ უნდა შეიცავდეს 20 მგ/მლ-ზე მეტ ნიკოტინს.

მუხლი 5. საქართველოში რეალიზაციისათვის განკუთვნილი თამბაქოს ნაწარმის (გარდა არმოსაწევი თამბაქოს, თამბაქოს ახალი ნაწარმის, გასახურებელი თამბაქოსი და ელექტრონული სიგარეტებისა) შეფუთვაზე განსათავსებელი ძირითადი და დამატებითი სამედიცინო გაფრთხილებები

1. საქართველოში (გარდა აფხაზეთის ავტონომიური რესპუბლიკისა) რეალიზაციისათვის განკუთვნილი თამბაქოს ნაწარმის შეფუთვაზე განთავსებულ უნდა იქნეს შემდეგი სახის ძირითადი სამედიცინო გაფრთხილებები:

ა) მოწევა კლავს;

ბ) მწეველები კვდებიან ადრე;

გ) მოწევა სერიოზულ ზიანს გაყენებთ თქვენ და თქვენს ირგვლივ მყოფთ.

2. საქართველოში (გარდა აფხაზეთის ავტონომიური რესპუბლიკისა) რელიზაციისათვის განკუთვნილი თამბაქოს ნაწარმის კოლოფებსა და ბლოკებზე განთავსებულ უნდა იქნეს შემდეგი სახის დამატებითი სამედიცინო გაფრთხილებები:

- ა) თამბაქოს მოხმარება იწვევს ხორხის კიბოს;
- ბ) მოწევით თქვენ იორმაგებთ ინსულტის განვითარების რისკს;
- გ) მოწევა ზიანს აყენებს მუცლად მყოფ ბავშვს;
- დ) თამბაქოს მოხმარება იწვევს შარდის ბუშტის კიბოს;
- ე) თამბაქოს მოხმარებამ შესაძლოა, იმპოტენტად გაქციოთ;
- ვ) თამბაქოს მოწევა აზიანებს თქვენს ღრძილებსა და კბილებს;
- ზ) ნუ აიძულებთ ბავშვებს, ისუნთქონ თამბაქოს კვამლი;
- თ) მოწევა იწვევს სიბრმავეს;
- ი) მოწევა იწვევს პერიფერიული სისხლძარღვების დაავადებებს.

3. საქართველოში (გარდა აფხაზეთის ავტონომიური რესპუბლიკისა) რელიზაციისათვის განკუთვნილი თამბაქოს ნაწარმის (გარდა არმოსაწევი თამბაქოს, თამბაქოს ახალი ნაწარმის, გასახურებელი თამბაქოსი და ელექტრონული სიგარეტებისა) შეფუთვაზე დამატებით სამედიცინო გაფრთხილებებთან ერთად განთავსებულ უნდა იქნეს შემდეგი საკონტაქტო ტელეფონის ნომერი, შესაბამისი წარწერით: „მოწევის შეწყვეტისთვის დარეკეთ: 116001, ზარი უფასო“.

4. აფხაზეთის ავტონომიურ რესპუბლიკაში რელიზაციისათვის განკუთვნილი თამბაქოს ნაწარმის (გარდა არმოსაწევი თამბაქოს, თამბაქოს ახალი ნაწარმის, გასახურებელი თამბაქოსი და ელექტრონული სიგარეტებისა) შეფუთვაზე ამ მუხლის პირველი, მე-2 და მე-3 პუნქტების შესაბამისად, ქართულ ენაზე შესრულებულ ძირითად და დამატებით სამედიცინო გაფრთხილებებთან, საკონტაქტო ტელეფონის ნომერსა და თანდართულ ტექსტთან ერთად, განთავსებულ უნდა იქნეს აფხაზურ ენაზე შესრულებული,

ამ წესით დადგენილი, შესაბამისი ძირითადი და დამატებითი სამედიცინო გაფრთხილებები და საკონტაქტო ტელეფონის ნომრის თანდართული ტექსტი (დანართი №3).

5. საქართველოში რეალიზაციისათვის განკუთვნილი თამბაქოს ნაწარმის (გარდა არმოსაწევი თამბაქოს, თამბაქოს ახალი ნაწარმის, გასახურებელი თამბაქოსი და ელექტრონული სიგარეტებისა) შეფუთვაზე, დამატებით გაფრთხილებებთან ერთად, განთავსებულ უნდა იქნეს ამ დადგენილების დანართ №4-ით გათვალისწინებული შესაბამისი პიქტოგრამები.

6. თამბაქოს მწარმოებლებმა ან/და იმპორტიორებმა უნდა უზრუნველყონ ამ მუხლით დადგენილი ძირითადი და დამატებითი სამედიცინო გაფრთხილებებისა და შესაბამისი პიქტოგრამების გამოყენება და როტაცია „თამბაქოს კონტროლის შესახებ“ საქართველოს კანონის მე-6 მუხლის მე-5 პუნქტის შესაბამისად.

მუხლი 6. საქართველოში რეალიზაციისათვის განკუთვნილი არმოსაწევი თამბაქოს ნაწარმის შეფუთვაზე განსათავსებელი ტექსტობრივი წარწერა

1. არმოსაწევი თამბაქოს ნაწარმის შეფუთვაზე (გარდა აფხაზეთის ავტონომიური რესპუბლიკისა) განთავსებული უნდა იყოს შემდეგი ტექსტობრივი წარწერა:

„თამბაქოს მოხმარება იწვევს დამოკიდებულებას და აზიანებს თქვენს ჯანმრთელობას. თამბაქოზე თავის დანებებისათვის დარეკეთ: 116001, ზარი უფასოა“.

2. აფხაზეთის ავტონომიური რესპუბლიკის ტერიტორიაზე კი არმოსაწევი თამბაქოს ნაწარმის შეფუთვაზე ტექსტობრივი წარწერა განთავსებული უნდა იყოს აფხაზურადაც:

„Ататын ахара шәашыцылар калойт, уи шәгәабзиара иаңырхагоуп.“

Ататын ахара иакәытцыр зтаху ауаа ател иасыр рылшоит абри аномерла 116001. Атәтәа ахәпса акәым“.

მუხლი 7. საქართველოში რეალიზაციისათვის განკუთვნილი ელექტრონული სიგარეტების შეფუთვაში მოსათავსებელი საინფორმაციო ფურცლის ფორმატი

1. ელექტრონული სიგარეტების შეფუთვაში მოსათავსებელი საინფორმაციო ფურცლის ფორმატი უნდა აკმაყოფილებდეს შემდეგ ზოგად მოთხოვნებს:

ა) საინფორმაციო ფურცელზე ტექსტი განთავსებულ უნდა იქნეს ორმხრივად;

ბ) საქართველოში (გარდა აფხაზეთის ავტონომიური რესპუბლიკისა) რეალიზაციისათვის განკუთვნილი ელექტრონული სიგარეტის შეფუთვაში მოსათავსებელი საინფორმაციო ფურცლის ტექსტი შესრულებულ უნდა იქნეს ქართულ ენაზე (გარდა ელექტრონული ფოსტის მისამართისა), თეთრ ფონზე შავი ასოებით. ტექსტის შრიფტად გამოყენებულ უნდა იქნეს სტანდარტული ქართული ფონტი – სილფაენი (Sylfaen), ხოლო აფხაზეთის ავტონომიური რესპუბლიკის ტერიტორიაზე აფხაზურ ენაზე – ფონტით Amra;

გ) ტექსტი შესრულებულ უნდა იქნეს მინიმუმ 10 ზომის შრიფტით, გარდა საინფორმაციო ფურცლის ნაწილისა – „გაფრთხილება“. ამ ნაწილში განთავსებული ინფორმაცია ტექსტის სხვა ნაწილებზე მინიმუმ 2 ერთეულით დიდი ზომის შრიფტით უნდა იქნეს შესრულებული;

დ) საინფორმაციო ფურცლის ტექსტი, გამოსახულებები ან სხვა ელემენტი არ უნდა შეიცავდეს რაიმე ყალბ, შეცდომაში შემყვან ან არასწორი წარმოდგენის შემქმნელ ინფორმაციას თამბაქოს ნაწარმის თვისებების, მავნე ზემოქმედების ან გამოფრქვეული მავნე ნივთიერებების თაობაზე. ასევე არ შეიძლება, გამოყენებულ იქნეს საქართველოს სახელმწიფო ან/და რომელიმე

უცხოურ ენაზე რაიმე ისეთი სიტყვა, აბრევიატურა, ნიშანი, გრაფიკი, ციფრი ან გამოსახულება, რომელიც პირდაპირი ან არაპირდაპირი გზით შექმნის არასწორ წარმოდგენას თამბაქოს ამ ნაწარმის სხვა მსგავს ნაწარმთან შედარებით ნაკლებად მავნებელობის თაობაზე. მათ შორის, არ შეიძლება მათი გამოყენება ბრენდის ან სავაჭრო ნიშნის დასახელებაში, კერძოდ, სიტყვებისა: „მსუბუქი“, „რბილი“, „ნაკლებად მძაფრი“, „ულტრამსუბუქი“, „დაბალი შემცველობით“, „ექსტრა“, „ულტრა“, „მენტოლი“ და სხვა. აგრეთვე საინფორმაციო ფურცელში არ უნდა იყოს მითითებული, რომ ეს ნაწარმი ხელს უწყობს ცხოვრების ჯანსაღ წესს ან ინფორმაცია, რომელიც აღწერს ნაწარმის გემოს, საკვებთან ან კოსმეტიკურ ნაწარმთან მის მიმსგავსებას და გარემოზე ზემოქმედების ან გარემოს დაცვის კუთხით ნაწარმის უვნებლობისა და უსაფრთხოების საკითხებს.

2. ელექტრონული სიგარეტების შეფუთვაში მოთავსებული საინფორმაციო ფურცელი სტანდარტულად უნდა შედგებოდეს 4 ნაწილისგან:

- ა) ელექტრონული სიგარეტის შემადგენლობა;
- ბ) გაფრთხილება;
- გ) ელექტრონული სიგარეტის გამოყენებისა და შენახვის ინსტრუქცია;
- დ) საკონტაქტო ინფორმაცია.

3. საინფორმაციო ფურცლის თითოეული ნაწილი უნდა შეიცავდეს შემდეგი შინაარსის ინფორმაციას:

ა) ელექტრონული სიგარეტის შემადგენლობა – საინფორმაციო ფურცლის ამ ნაწილში მოცემული უნდა იყოს ინფორმაცია ელექტრონული სიგარეტის კარტრიჯში, კაფსულაში ან ნებისმიერ სხვა სახის კონტეინერში მოთავსებული მასალებისა და მათი მოხმარების შედეგად გამოყოფილ აეროზოლში შემავალი ნივთიერებების შესახებ, კერძოდ:

ა.ა) ნიკოტინის შემცველობა ნაწარმში და ერთი შესუნთქვით (ნაფაზით) მიღებული დოზა;

ა.ბ) ნაწარმში შემავალი ინგრედიენტების დასახელება და ოდენობა;

ბ) გაფრთხილება – ეს ნაწილი უნდა შეიცავდეს შემდეგი პუნქტებით დადგენილ ინფორმაციას:

ბ.ა) გაფრთხილების ნაწილში ცალ-ცალკე ხაზზე წარმოდგენილი თანმიმდევრობით უნდა იყოს მოთავსებული შემდეგი გაფრთხილებები:

ბ.ა.ა) „ამ ნაწარმის მოხმარება მავნეა თქვენი ჯანმრთელობისთვის“;

ბ.ა.ბ) „აღნიშნული ნაწარმი შეიცავს ნიკოტინს, რომელიც არის ძლიერი დამოკიდებულების გამომწვევი ნივთიერება“;

ბ.ა.გ) „ამ ნაწარმის გამოყენება არ არის რეკომენდებული ახალგაზრდებისა და არამწევრელობისთვის“;

ბ.ა.დ) „ეს ნაწარმი არ არის თამბაქოზე თავის დანებების აღიარებული საშუალება“;

ბ.ა.ე) „აკრძალულია ამ ნაწარმის გაყიდვა არასრულწლოვნებზე“;

ბ.ბ) გარდა ამ პუნქტის „ბ.ა“ ქვეპუნქტით განსაზღვრული გაფრთხილებებისა, ამ ნაწილში ასევე უნდა განთავსდეს:

ბ.ბ.ა) გაფრთხილებები შესაძლო სპეციფიკური რისკჯგუფებისათვის, რომელთა შესახებაც აქვს ინფორმაცია ნაწარმის მწარმოებელს/იმპორტიორს;

ბ.ბ.ბ) გაფრთხილებები ნაწარმის ტოქსიკურობის ან მისი მოხმარებით გამოწვეული შესაძლო გართულებების შესახებ, რომელთა შესახებაც აქვს ინფორმაცია ნაწარმის მწარმოებელს/იმპორტიორს;

გ) ელექტრონული სიგარეტის გამოყენებისა და შენახვის ინსტრუქცია – ეს ნაწილი უნდა მოიცავდეს:

გ.ა) ინფორმაციას იმ პირობების (ტემპერატურა, ტენიანობა, შენახვის ადგილი და სხვა) შესახებ, რომელშიც შეიძლება ნაწარმის შენახვა და გამოყენება;

გ.ბ) მითითებას, შესაძლო ტექნიკური პრობლემებისა და იმის თაობაზე, რომ ნაწარმი უნდა ინახებოდეს მესამე პირებისთვის, განსაკუთრებით, ბავშვებისთვის ხელმიუწვდომელ, უსაფრთხო ადგილას;

დ) საკონტაქტო ინფორმაცია – ამ ნაწილში უნდა განთავსდეს ინფორმაცია ნაწარმის მწარმოებლის ან იმპორტიორის შესახებ, რომელსაც შეიძლება, მომხმარებელი/დაინტერესებული პირი დაუკავშირდეს საქართველოში. კერძოდ, კომპანიის/იმპორტიორის სახელწოდება, მისამართი, საკონტაქტო ტელეფონის ნომერი და ელფოსტა.

მუხლი 8. საქართველოში რეალიზაციისთვის განკუთვნილი თამბაქოს ახალი ნაწარმისა და გასახურებელი თამბაქოს შეფუთვაზე განსათავსებელი სამედიცინო გაფრთხილება

1. თამბაქოს ახალი ნაწარმისა და გასახურებელი თამბაქოს შეფუთვაზე (გარდა აფხაზეთის ავტონომიური რესპუბლიკისა) განთავსებული უნდა იყოს შემდეგი ტექსტობრივი წარწერა:

ა) „თამბაქოს ეს ნაწარმი მავნეა თქვენი ჯანმრთელობისთვის და იწვევს დამოკიდებულებას. თამბაქოზე თავის დანებებისთვის დარეკეთ: 116001, ზარი უფასო“;

ბ) „ეს ნაწარმი შეიცავს ნიკოტინს, რომელიც იწვევს დამოკიდებულებას. თამბაქოზე თავის დანებებისთვის დარეკეთ: 116001, ზარი უფასო“.

2. აფხაზეთის ავტონომიური რესპუბლიკის ტერიტორიაზე თამბაქოს ახალი ნაწარმისა და გასახურებელი თამბაქოს შეფუთვაზე ტექსტობრივი წარწერა უნდა იყოს განთავსებული აფხაზურადაც:

ა) Аҭаҭынаалытц шәгәабзиаара иаҭырхагоуп, шәалашыцылоит Аҭаҭын ахара казыжьыр зтаху ауаа рзы аус аҭеит хәыҭсадатәи аҭелл: 116001;

ბ) Аҭаҭынаалытц аникотин алоуп, шәалашыцылоит. Аҭаҭын ахара казыжьыр зтаху ауаа рзы аус аҭеит хәыҭсадатәи аҭелл: 116001.

3. თამბაქოს მწარმოებლებმა ან/და იმპორტიორებმა უნდა უზრუნველყონ ამ მუხლით დადგენილი სამედიცინო გაფრთხილებების გამოყენება და როტაცია, „თამბაქოს კონტროლის შესახებ“ საქართველოს კანონის მე-6 მუხლის მე-5 პუნქტის შესაბამისად.

მუხლი 9. ტექნიკური პარამეტრები თამბაქოს ნაწარმის შეფუთვაზე განთავსებული სამედიცინო გაფრთხილებებისათვის

თამბაქოს ნაწარმის შეფუთვაზე განთავსებული სამედიცინო გაფრთხილებები უნდა აკმაყოფილებდეს „თამბაქოს კონტროლის შესახებ“ საქართველოს კანონის მე-6 მუხლის მე-6 და მე-8 პუნქტების მოთხოვნებს და აგრეთვე შემდეგ ტექნიკურ პარამეტრებს:

ა) შესრულებულ უნდა იქნეს ქართულ ენაზე, სტანდარტული ფონტით – სილფაენი (Sylfaen), ხოლო აფხაზურ ენაზე – ფონტით Amra და იყოს გამუქებული;

ბ) ფონტი უნდა იყოს მაქსიმალური ზომის, რათა წარწერამ სრულად დაიკავოს მისთვის გამოყოფილი ფართი, ამასთან არ ეხებოდეს შემომფარგვლელი ხაზების ან პიქტოგრამის კიდეებს;

გ) ქართული და აფხაზური წარწერების ერთდროულად გამოყენების შემთხვევაში, ტექსტების ფონტი უნდა იყოს ერთნაირი ზომის;

დ) ინტერვალები და ხაზებს შორის დაშორება უნდა იყოს სტანდარტული;

ე) განლაგება უნდა იყოს ცენტრალური სწორებით;

ვ) ქართული და აფხაზური წარწერების ერთდროულად გამოყენების შემთხვევაში, ქართული ტექსტის მომდევნო ხაზზე განთავსებულ უნდა იქნეს მისი შესაბამისი აფხაზური ტექსტი;

ზ) წარწერები უნდა შესრულდეს თეთრ ფონზე შავი ასოებით ან შავ ფონზე თეთრი ასოებით; თეთრი ფონი შემომფარგვლელი უნდა იყოს შავი ჩარჩოთი,

ხოლო შავი ფონი – თეთრი ჩარჩოთი, რომელიც არ კვეთს და არ ეხება ასოებს; ჩარჩოს ხაზის სისქე უნდა იყოს 1 მმ;

თ) პიქტოგრამის ნიმუში უნდა შეესაბამებოდეს დამატებითი სამედიცინო გაფრთხილების ტექსტს და უნდა იკავებდეს ერთენოვანი გაფრთხილების შემთხვევაში გაფრთხილების საერთო ზომის (გარდა შემომფარგვლელი ხაზებისა) არანაკლებ 70%-ს, ხოლო ორენოვანი გაფრთხილების შემთხვევაში – არანაკლებ 60%-ს;

ი) პიქტოგრამებთან ერთად გაფრთხილების ტექსტი და საკონტაქტო ტელეფონის ნომერი შესაბამისი წარწერით უნდა განლაგდეს პიქტოგრამის იმ მონაკვეთზე შესაბამისი ზომით, დიზაინითა და ტექნიკური პარამეტრებით, როგორც ეს მითითებულია ელექტრონულ ნიმუშში;

კ) დამატებითი სამედიცინო გაფრთხილება უნდა განთავსდეს კოლოფის წინა გვერდზე, ხოლო ძირითადი სამედიცინო გაფრთხილება – უკანა გვერდზე. ხოლო ამ დანართის მე-2 მუხლის „ა.ზ“ და „ა.ი“ ქვეპუნქტებით გათვალისწინებული თამბაქოს ნაწარმის შემთხვევაში, სამედიცინო გაფრთხილება ამ დანართის მე-8 მუხლით განსაზღვრული ერთ-ერთი ტექსტობრივი წარწერით უნდა განთავსდეს კოლოფის წინა და უკანა გვერდებზე. საკონტაქტო ტელეფონის ნომერი, შესაბამისი წარწერით, უნდა განთავსდეს დამატებითი გაფრთხილების წარწერის ქვემოთ, ხოლო ამ დანართის მე-2 მუხლის „ა.ზ“ და „ა.ი“ ქვეპუნქტებით გათვალისწინებული თამბაქოს ნაწარმის შემთხვევაში, სამედიცინო გაფრთხილების ქვემოთ – 2 ხაზთაშორისი სივრცის ინტერვალის დაშორებით, საკუთრივ ტელეფონის ნომერი – იმავე სახისა და ზომის ფონტით, ხოლო თანდართული ტექსტი – 2 სტანდარტული ერთეულით ნაკლები ზომის. ხაზების დაშორება და ინტერვალები უნდა იყოს სტანდარტული. წარწერები და ნომერი უნდა იყოს გამუქებული, მარჯვენა სწორებით, არ ეხებოდეს გაფრთხილების კიდეებს;

ლ) საკონტაქტო ტელეფონის ნომერი, შესაბამისი წარწერით, უნდა განლაგდეს 2 ხაზზე, რომელთაგან პირველზე განთავსებულ იქნება ტექსტი – „მოწევის შეწყვეტისთვის დარეკეთ:“, ხოლო მეორეზე – „116001“, ზარი უფასოა“;

მ) ამ დანართის მე-2 მუხლის „ა.ზ“ და „ა.ი“ ქვეპუნქტებით გათვალისწინებული თამბაქოს ნაწარმის შემთხვევაში, საკონტაქტო ტელეფონის ნომერი შესაბამისი წარწერით შესაძლოა, განლაგდეს ერთ ხაზზე.

მუხლი 10. ტექნიკური პარამეტრები თამბაქოს ნაწარმის შეფუთვაზე პიქტოგრამებისათვის

თამბაქოს ნაწარმის შეფუთვაზე განთავსებული პიქტოგრამები უნდა აკმაყოფილებდეს „თამბაქოს კონტროლის შესახებ“ საქართველოს კანონის მე-6 მუხლის მე-6 და მე-8 პუნქტების მოთხოვნებს და აგრეთვე შემდეგ ტექნიკურ პარამეტრებს:

ა) პიქტოგრამები დაბეჭდილ უნდა იქნეს ელექტრონული ნიმუშის ორიგინალის შესაბამისად, ყოველგვარი ცვლილების გარეშე, პროპორციებში, ფერებში ან/და კომპოზიციაში. ამასთან, თამბაქოს კოლოფის ფორმის/ზომის გათვალისწინებით, პიქტოგრამების პროპორციების, თვალსაჩინოებისა და გაფრთხილების იდეური დატვირთვის შენარჩუნების მიზნით შერჩეულ უნდა იქნეს დანართ №4-ით წარმოდგენილი თითოეული პიქტოგრამის 3 ნიმუშიდან ერთ-ერთი შესაბამისი ვარიანტი (კვადრატული, ჰორიზონტალური მართკუთხედის ან ვერტიკალური მართკუთხედის ფორმის). თამბაქოს მწარმოებლებსა და/ან იმპორტიორებს ელექტრონული ვერსიების ორიგინალს, მოთხოვნის შემთხვევაში, გადასცემს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო;

ბ) პიქტოგრამის ზედა კიდე განთავსებულ უნდა იქნეს კოლოფის ან ბლოკის ზედა კიდის პარალელურად;

გ) პიქტოგრამის გვერდითი და ზედა კიდე უნდა ეხებოდეს შემომფარგვლელ ხაზებს;

დ) პიქტოგრამები უნდა დაიბეჭდოს 4 ფერში/-CMYK-/, მინიმუმ 150 (lpi) ხაზით 2,54 სანტიმეტრზე (ერთ ინჩზე);

ე) უზრუნველყოფილ უნდა იქნეს ფერთა თანხვედრა ცდომის გარეშე.

მუხლი 11. საქართველოში თამბაქოს ნაწარმის რეალიზაციის ადგილებში განსათავსებელი სამედიცინო გაფრთხილების ტექსტი და მისი განთავსების ტექნიკური პარამეტრები

1. თამბაქოს რეალიზაციის ადგილებში განთავსებულ უნდა იქნეს სამედიცინო გაფრთხილებები, შემდეგი ტექსტით: „მოწევა კლავს“, „არასრულწოვანთათვის თამბაქოს ნაწარმის მიყიდვა აკრძალულია“, „მოწევის შეწყვეტისთვის დარეკეთ: 116001, ზარი უფასოა. ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“.

2. სამედიცინო გაფრთხილების ტექსტი განთავსებულ უნდა იქნეს თამბაქოს რეალიზაციის ადგილებში თვალსაჩინოდ, არანაკლებ A4 ფორმატზე და აკმაყოფილებდეს შემდეგ ტექნიკურ პარამეტრებს:

ა) ტექსტი განთავსებულ უნდა იქნეს ერთმანეთისგან განცალკევებით, ერთმანეთის მომდევნო ხაზებზე, ამ მუხლის პირველ პუნქტში მითითებული თანმიმდევრობით;

ბ) წარწერა შესრულებულ უნდა იქნეს თეთრ ფონზე შავი ასოებით ან შავ ფონზე თეთრი ასოებით, სტანდარტული ქართული ფონტით სილფაენი (Sylfaen) და იყოს გამუქებული;

გ) ფონტი უნდა იყოს მაქსიმალური ზომის, რათა წარწერამ სრულად დაიკავოს მისთვის გამოყოფილი ფართი, ამასთან, არ ეხებოდეს ფართის კიდეებს;

დ) ინტერვალები და ხაზებს შორის დაშორება უნდა იყოს სტანდარტული;

ე) განლაგება უნდა იყოს ცენტრალური სწორებით.

მუხლი 12. გარდამავალი დებულებანი

2022 წლის 1 იანვრამდე ამ დანართის მე-2 მუხლის „ა.ზ“ და „ა.ი“ ქვეპუნქტით გათვალისწინებული თამბაქოს პროდუქტის თითოეულ შეფუთვაზე სამედიცინო გაფრთხილება შესაძლებელია, განთავსდეს შესაბამისი პიქტოგრამის გარეშე. ამასთანავე, ამ დანართის მე-2 მუხლის „ა.ი“ ქვეპუნქტით გათვალისწინებული გასახურებელი თამბაქოს შემთხვევაში, სამედიცინო გაფრთხილება შესაძლებელია, არ იკავებდეს გვერდის საერთო ფართობის 30 პროცენტზე ნაკლებს, რომელშიც შედის შემომფარგვლელი ხაზები.

დანართი №2

საქართველოში რეალიზაციისათვის განკუთვნილი თამბაქოს ნაწარმის კოლოფებსა და ბლოკებზე განსათავსებელი ძირითადი და დამატებითი სამედიცინო გაფრთხილებები ქართულ ენაზე

1. ძირითადი სამედიცინო გაფრთხილებები:

ა) მოწევა კლავს;

ბ) მწვევლები კვდებიან ადრე;

გ) მოწვევა სერიოზულ ზიანს გაყენებთ თქვენ და თქვენ ირგვლივ მყოფთ.

2. დამატებითი სამედიცინო გაფრთხილებები:

ა) თამბაქოს მოხმარება იწვევს ხორხის კიბოს;

ბ) მოწვევით თქვენ იორმაგებთ ინსულტის განვითარების რისკს;

გ) მოწვევა ზიანს აყენებს მუცლად მყოფ ბავშვს;

დ) თამბაქოს მოხმარება იწვევს შარდის ბუშტის კიბოს;

ე) თამბაქოს მოხმარებამ შესაძლოა, იმპოტენტად გაქციოთ;

ვ) თამბაქოს მოწვევა აზიანებს თქვენს ღრძილებსა და კბილებს;

ზ) ნუ აიძულებთ ბავშვებს, ისუნთქონ თამბაქოს კვამლი;

თ) მოწვევა იწვევს სიბრმავეს;

ი) მოწვევა იწვევს პერიფერიული სისხლძარღვების დაავადებებს.

3. საკონტაქტო ტელეფონის ნომერი და თანდართული წარწერა: მოწვევის შეწყვეტისთვის დარეკეთ: 116001, ზარი უფასოა.

დანართი №3

საქართველოში რეალიზაციისათვის განკუთვნილი თამბაქოს ნაწარმის კოლოფებსა და ბლოკებზე განსათავსებელი ძირითადი და დამატებითი სამედიცინო გაფრთხილებები ქართულ და აფხაზურ ენებზე

1. ძირითადი სამედიცინო გაფრთხილებები:

ა) მოწვევა კლავს – Аҭаҭын ахара шәҭанархоит;

ბ) მწეველები კვდებიან ადრე – Аҭаҭын иахо рыҭх сынтҭра маҭҭхоит;

გ) მოწვევა სერიოზულ ზიანს გაყენებთ თქვენ და თქვენ ირგვლივ მყოფთ

– Аҭаҭын ахара шәаргьы ишәзетҭәоуп шәыкәша-мыкәша иҭоу аҭаагьы ирҭх ырҭагоуп.

2. დამატებითი სამედიცინო გაფრთხილებები:

ა) თამბაქოს მოხმარება იწვევს ხორხის კიბოს – Ататын ахара амшала акыркы акыбыа шәыхыыр калойт;

ბ) მოწევით თქვენ იორმაგებთ ინსულტის განვითარების რისკს – Ататын ахара амшала, ынтә ейҳаны адабла ашәартә шәызцәыртц уеит;

გ) მოწევა ზიანს აყენებს მუცლად მყოფ ბავშვს – Зцәазтәымкәа икоу

аҧ хәыс ататын дахозар, илыҧроу алашәа ҧ ырхага аиуойт;

დ) თამბაქოს მოხმარება იწვევს შარდის ბუშტის კიბოს – Ататын ахара амшала ампышта акыбыа шәыхыыр калойт;

ე) თამბაქოს მოხმარებამ შესაძლოა, იმპოტენტად გაქციოთ – Ататын ахара аимпотенциа ахылҭеиар алшоит;

ვ) თამბაქოს მოწევა აზიანებს თქვენს ღრძილებსა და კბილებს – Ататын ахара ахаҧ ыцҭҭы шәхаҧ ыцкәеи ирҧ ырхагоуп;

ზ) ნუ აიძულებთ ბავშვებს, ისუნთქონ თამბაქოს კვამლი – Ахәычкәа ататын аләа албаадара рыдшәымцалан;

თ) მოწევა იწვევს სიბრმავეს – Ататын ахара алашәра ахылтц уеит;

ი) მოწევა იწვევს პერიფერიული სისხლძარღვების დაავადებებს – Ататын ахара амшала ашәадатә чымазарақәа шәызцәыртцыр калойт;

3. საკონტაქტო ტელეფონის ნომერი და თანდართული წარწერა:

მოწევის შეწყვეტისთვის დარეკეთ: 116001, ზარი უფასოა.

Ататын ахара иакәытцыр зтаху ауаа ател иасыр рылшоит абри аномерла 116001. Атәтцәа ахәҭса акәым.